



Publicaziuns dalla vischnaunca, jamna 42

Elecciuns dil cussegl naziunal e dil cussegl dils stans

L'urna principala en casa communal a aviarta sco suonda:

Venderdis, ils 21-10-2011, 16.00–17.15
Sonda, ils 22-10-2011, 18.30–19.30
Dumengia, ils 23-10-2011, 9.00–11.00

A Segnas vegn buca pli exponiu in'urna. La suprastanza dil vischinadi stat bugen a disposiziun als vischins da Segnas per dar sclariment davart il votar a scret.

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 21 d'october 2011 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (suppli cau da francar) ni directamein fierer en la scaffa da brevs dalla casa communal.

Ils cedels da votar ston esser sil **pli tard la sonda, ils 22 d'october 2011 allas 12.00** tier l'administraziun communal.

Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastanza communal Disentis/Mustér

Cussegl da vischnaunca

Il cussegl da vischnaunca seraduna venderdis, ils 28 d'october 2011 allas 20.15 en halla Cons ad ina seduta.

Tractandas:

1. Protocol nr. 20-2009/2012
2. Center da sport e cultura: Credit per la sanaziun (messadi nr. 32-2009/2012)
3. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Center da sport e cultura **Sanaziun dils indrezs ordaviert**

Venderdis, ils 28 d'october 2011, tracta il cussegl da vischnaunca il project dalla sanaziun dils indrezs ordaviert dil Center da sport e cultura. Quella seduta ha liug allas 20.15 en halla Cons. Vischins e vischinas, specialmein ils representants dallas uniuns sportivas e culturalas, ein cordialmein envidai d'assister a quella seduta. Aschia san tuts s'informar sur dallas midadas previdas.

Cussegl da vischnaunca



Scaldaments mobils el liber

bulius da scaldar, radiaturs, radiaturs d'infratgietschen eav..

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga aparat da scaldar mobil che vegn duvraus el liber per intents commercials e che ha ina prestaziun da scaldar da maximalmei 14 kW sto vegnir cumpensau 1 tonna CO₂. Per apparatus cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparatus cun ina prestaziun da scaldar maximala da sur 28 kW sto vegnir cumpensau 3 tonnas CO₂ eav. Silmeins 20% dall'emissiun CO₂ sto vegnir cumpensada en Svizra.

2. Per mintga tonna che sto vegnir cumpensada sto vegnir taccau ina vignetta vid igl aparat da scaldar. Ina vignetta vala mintgamai 1 onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl aparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'emissiun da CO₂ succeda entras il gestiunari ni entras la vischnaunca.

4. Sch'ils gestiunaris cumpenseschan sez l'emissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p. ex. myclimate). Per apparatus da scaldar electricis po l'obligaziun da cumpensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils gestiunaris cumpenseschan buca sez l'emissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'emissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

8. Quell'ordinaziun entra en vigur igl 1. da settember 2011.

Las vignettas san vegnir retratgas naven digl 1. d'october 2011 tier l'administraziun communal. Per ulterior sclariment stat igl uffeci da baghegiar (Ervin Maissen, tel. 081 920 36 46) a disposiziun.

Suprastonza communal Disentis/Mustér

Lescha d'energia cantunala

Igl 1. schaner 2011 ei la nova lescha d'energia cun l'ordinaziun d'energia cantunala cun prescripziuns accumpignontas passada en vigur. Da niev basegnan suandontas lavurs en connex cul consum d'energia in mussament d'energia:

- Edifecis novs che vegnan scaldai, ventilai e sferdentai
- Midadas da construcziun e d'utilisaziun d'edifecis existents
- Installaziuns da novs indrezs technics per preparar e distribuir calira, aua caulda ed aria per sferdentar locals
- Renovaziuns, restructuraziuns u midadas vid indrezs technics

Las prescripziuns valan independentamein, sch'ei basegna pil singul project ina damonda da baghegiar ni buca.

Suprastonza communal Disentis/Mustér



**Controlla da habitonts
Naschientscha**

Mia-Isabella Hosang, naschida ils 27 da settember 2011, feglia da Nadja e Beat Hosang-Caduff.

Cussegl pastoral Mustér

Encuretg:

Persunas, ch'ein prontas da segidar en nossa pleiv sco lectur/as e per segidar cun parter ora la s. Communiun.

Ils 5 e 12 da november san tals ni talas visitar in cuors d'introducziun giu Flem. Per ulteriur sclariment stattan Giuli Maissen, president dil cussegl pastoral (079 720 34 36), ni era la secretaria Jris Lombris (076 536 04 03) bugen a disposiziun.

Apparats d'udida

Gliendisdis, ils 24 d'october 2011 saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Liug: Casa da tgira Sursassiala.

Cordial invit Casa da tgira Sursassiala

Sera da troccas a Mustér

Nus lein puspei envidar ad ina sera da troccas per in e scadin. L'emprema sera ha liug mardis, ils 25 d'october 2011 allas 19.30 el hotel «La Furca». Era novizs che vulan emprender da dar troccas ein cordialmein beinvegni.

Cordialmein envidan
Gion Michel Flepp, Marco e Romeo Schmed

Trenament d'unihoc

Per affons da scola (1.–6. classa) el center da sport e cultura Mustér.

Entschatta: mesjamna, ils 26 d'october 2011
Temps: 18.00–19.00

Pal dad unihoc sto mintgin prender cun sez!



Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.
Biblioteca populara Mustér
